

Siunnersuummut nassuiaatit

## **Nassuiaatit nalinginnaasut**

### **1. Aallaqqaasiut**

Aasaanerani nalunaaqutaq pillugu Kalaallit Nunaannut inatsimmi nr. 817, 19. december 1989-imeersumi Kalaallit Nunaata Kalaallit Nunaanni aasaanerani nalunaaquttamik atuutsitsilernissamut pisinnaatitaaneq tiguua. Pisinnaatitaaneq taanna Aasaanerani nalunaaquttap atornerqarnera pillugu Inatsisartut inatsisaanni nr. 14-imi, 19. oktober 1989-meersumi atornerqarpoq.

Nalunaaquttamut malitassat imaluunniit nunarsuarmi nalunaaquttap ingerlaqatigiiffii suut tamatuma saniatigut Kalaallit Nunaannut atuutissanersut, aasaanerani nalunaaqutaq pillugu Kalaallit Nunaannut inatsimmi isummerfigineqanngilaq. Kalaallit Nunaat inatsimmi taamaallaat aasaanerani nalunaaqutaq pillugu aalajangersakkanik aalajangersaanikkut, nalinginnaasumik nalunaaquttap aalajangersarneqarnerata nikisinnissaanut periarfissaqalerpoq.

Nalinginnaasumik nalunaaquttamut malitassanik aammalu nunarsuarmi nalunaaquttap ingerlaqatigiiffiinik aalajangersaanissaq suliassa qarfiup ”Nalunaaquttap aalajangersarneqarnera” ataaniippoq. Suliassa qarfiup ”Nalunaaquttap aalajangersarneqarnera” akisussaaffigilerlugu tiguneqarnerani nalunaaquttamut malitassat aamma nunarsuarmi nalunaaquttap ingerlaqatigiiffii suut Kalaallit Nunaanni atuutissanersut, Kalaallit Nunaat nammineerluni aalajangersaanissamut periarfissaqalissaq.

Ulloq 11. maj 2022 Naalackersuisut aamma danskit naalagaaffiat suliassa qarfiup ”Nalunaaquttap aalajangersarneqarnera” Namminersorlutik Oqartussanit tiguneqarnissaa pillugu isumaqatigiissuteqarput, takuuk ilanngussaq 1. Tigusinissamut suliassa qarfik pillugu Inatsisartut inatsisaannut siunnersuutip akuerineqarnissaa piumasaqaataavoq. Tassa imaappoq, tigusinissamut siunnersuutip matuma Inatsisartunit akuerineqarnissaa piumasaqaataavoq.

Suliassa qarfik ”Nalunaaquttap aalajangersarneqarnera” tamatuma kingorna siunnersuutip matuma atuutilernerata peqatigisaanik Namminersorlutik Oqartussanut nuunneqassaaq.

#### *1.1. Kunneqarfik Danmarkimi nalunaaquttap aalajangersarneqarnera*

Nalunaaquttap aalajangersarneqarnera pillugu inatsimmi nr. 83, 29. marts 1893-imeersumi Danmarkip aalajangersarpaa:

*“§ 1. Nunami sumiiffinni tamaginni, Savalimmiut eqqaassanngikkaanni, nalunaaqutaq tamatuma kingorna aalajangerneqassaaq tassaasoq Greenwich-*

*ip Kangiani allorniusat tukimukartut 15-ssaannut seqernup ingerlaarnermini killiffia.”*

Inatsit ulloq 1. januar 1894 atuutilerpoq. Tamanna Kalaallit Nunaata tunngaviusumik inatsisip ataaniilernissaa sioqqullugu pivoq, taamaalillunilu inatsit Kalaallit Nunaannut atuutinngilaq.

1908-imi inatsit assingusoq Savalimmiunut atuutilerpoq; Nalunaaquttap aalajangersarneqarnera pillugu Savalimmiunut inatsit nr. 53, 22. marts 1907-imeersoq. Kisianni inatsimmik taamaattumik Kalaallit Nunaannut akuersisoqanngisaannarpoq.

### *1.2. Nunarsuarmi nalunaaquttamik aalajangersaasarneq (globen)*

Nunarsuarmi nunat/naalagaaffiit ataasiakkaat “nalunaaqutaq” pillugu nammineerlutik aalajangersakkamik imminni qanoq ittuunissaannik nammineerlutik aalajangersaasarput. Tassa imaappoq nalunaaquttamut malitassat suut malinnissaat kissaatiginerlugu, kiisalu nunarsuarmi nalunaaquttap ingerlaqatigiiffiisa suut ataaniissanerlutik.

Nunap amerlanersaasa ullumikkut UTC nalunaaquttamut malitassaq, GMT nalunaaquttamut malitassap kingoraartaa, malippaat. Periaaseq aaqquissuunneqarpoq, naleqqersuummik imaluunniit 0-imi aallaaviusussamik aalajangersaanikkut – taaneqartartoq meridian pingaarneq – nunarsuarmi nalunaaquttap ingerlaqatigiiffiisa aalajangersarneqarneranni aallaaviusartoq.

Taamanikkut USA-mi præsidentiusup, Chester A. Arthur-ip, piumasaqarneratigut 1884-imi ”Internationale Meridian Konference” USA-mi Washington, D.C.-mi ingerlanneqarpoq. Tassani akuerineqarpoq meridian pingaarneq (naleqqersuut) London-ip kangiani Greenwich-imi The Royal Observatory aqqusaarlugu inissinneqassasoq. Meridian taanna taamaalilluni globen-imi allorniusani tukimukartuni 0-mi inissisimassasoq.

Nunarsuarmi nalunaaquttap ingerlaqatigiiffii assigiinngitsut taakkua Greenwich-imi meridian pingaarneq, allorniusat tukimukartuni 0-mi inissisimasoq, aallaavigalugu naatsorsorneqartartussanngorput. Nunarsuarmi nalunaaquttap ingerlaqatigiiffiisa tamarmik immikkut globen-imi allorniusat tukimukartut 15-it inissisimaffigisussaavai. Tassa imaappoq allorniusat tukimukartut 15-it tamaasa meridian pingaarnermiit kangimut nikikkaanni, nunarsuarmi nalunaaquttap ingerlaqatigiiffiat nalunaaquttap akunneranik ataatsimik siuassaaq (+1). Danmarkip taamaalilluni Greenwich kangiani allorniusaq tukimukartuq 15 malissallugu aalajangersaasimavoq, tamatuma malitsigisaanik Danmarkki nunarsuarmi nalunaaquttat ingerlaqatigiiffiini UTC +1-miilluni.

Taamaaqataanik meridian pingaarnerup kitaanut allorniusanik tukimukartunik 15-nik nikikkaanni. Meridian pingaarneq naapertorlugu nunarsuarmi nalunaaquttap ingerlaqatigiiffiat nalunaaquttap akunneranik ataatsimik kinguassaaq (-1). Kalaallit Nunaanni nunarsuarmi

nalunaaquttap ingerlaqatigiiffia ullumikkut meridian pingaernerup kitaani allorniusanut tukimukartunut 45-nut aalajangersagaavoq, taamaalillunilu Kalaallit Nunaat nunarsuarmi nalunaaquttap ingerlaqatigiiffiini UTC -3-miippoq. Kalaallit Nunaata (UTC -3) aamma Danmarkip (UTC +1) akornanni nalunaaquttap nikinganera taamaalilluni ullumikkut nalunaaquttap akunneri sisamaapput.

### *1.3. Kalaallit Nunaanni nalunaaquttamik aalajangersaasarneq*

Kalaallit Nunaannut nalunaaquttap aalajangersarneqarnera inatsimmi aalajangersarneqarsimanngisaannarpoq, aammalu maannakkorpiaq taanna qanoq aalajangersagaanersoq ersarissumik ilisimaneqannilaq. Allaffissornikkut aalajangersarneqarsimasoq ilimanarpoq, tassa imaappoq danskit naalakkersuisuinit imaluunniit Danmarkimi ministereqarfimmi.

Kalaallit Nunaat ullumikkut nunarsuarmi nalunaaquttap ingerlaqatigiiffiini sisamani aggulugaavoq. Nunarsuarmi nalunaaquttap ingerlaqatigiiffia nalinginnaasumik inissisimaffiqartooq tassaavoq UTC -3, Ittoqqortoormiit nunarsuarmi nalunaaquttap ingerlaqatigiiffiani UTC -1-imiilluni, Danmarkshavn UTC +0-miilluni, aammalu Qaanaaq aamma Pituffik (Thule Air Base) nunarsuarmi nalunaaquttap ingerlaqatigiiffiani UTC -4-miilluni.

Kalaallit Nunaata nalunaaquttap ingiaqatigiiffiinut aalajangersaaneq maleqqissaaraluarpagu, allorniusat tukimukartut 15-ssai tamaasa nalunaaquttap ingiaqatigiiffiini nuna aggulullugu, Kalaallit Nunaat minnerpaamik nalunaaquttap ingiaqatigiiffiini nalinginnaasuni pingasuni aggulunneqartussaasagaluarpoq. Tunu nalunaaquttap ingerlaqatigiiffiani UTC -2-miippoq, Kalaallit Nunaata kitaa nalunaaquttap ingerlaqatigiiffiani UTC -3-miippoq aammalu Qaanaaq eqqaa nalunaaquttap ingerlaqatigiiffiani UTC -4-miilluni. (Takuuk Wikipedia-mit nalunaaquttap ingerlaqatigiiffiinut nunap assinga ilitsersuissutaasoq ilanngussaq 3-tut ilanngunneqartoq). Taamaattoq tamanna ator neqarsimanngilaq. Tamatumunnga taarsiullugu Kalaallit Nunaat tamakkerlugu, pingasunik annikitsunik ilaatitsinani, nalunaaquttap ingerlaqatigiiffia ataaseq (UTC -3) aalajangersarniarlugu aalajangertoqarsimavoq.

### *1.4. Namminersorneq pillugu inatsit malillugu suliassa qarfinnik akisussaaffigilerlugu tiguisarneq*

Namminersorneq pillugu inatsimmut suliassa qarfinnut, Kalaallit Nunaanni Namminersorlutik Oqartussanit akisussaaffigilerlugit tiguneqarsinnaasunut, allattuiffiit marluupput. Suliassa qarfiit Liste I-miittut piffissani Namminersorlutik Oqartussanit aalajangersarneqartuni Kalaallit Nunaanni Namminersorlutik Oqartussanut nuunneqassapput, suliassa qarfiit Liste II-miittut piffissani naalagaaffimmi oqartussanut isumaqatiginninniareernermi Namminersorlutik Oqartussanit aalajangersarneqartuni Kalaallit Nunaanni Namminersorlutik Oqartussanut nuutinneqartussaallutik.

Tamatuma saniatigut suliassaqarfiit Liste I-imi aamma II-mi allassimangitsut, aammalu Kalaallit Nunaata susassaqarfiinut taamaallaat tungassuteqartut, Naalakkersuisut aamma danskit naalakkersuisuisa akornanni isumaqatigiissuteqarnikkut Kalaallit Nunaanni Namminersorlutik Oqartussanit tiguneqarsinnaasut, namminersorneq pillugu inatsimmi § 4-imi ammaanneqarpoq.

Suliassaqarfik “Nalunaaquttap aalajangersarneqarnera” Liste I-imi imaluunniit II-mi allassimangilaq, taamaattumillu Naalakkersuisut aamma danskit naalakkersuisuisa akornanni isumaqatigiissuteqarnikkut Kalaallit Nunaanni Namminersorlutik Oqartussanit tiguneqarsinnaalluni, takuuk namminersorneq pillugu inatsimmi § 4.

*1.5. Kalaallit Nunaanni akisussaaffigilerlugu tiguisarnerup ingerlanneqartarnera*  
Inatsisartut akisussaaffigilerlugu tigusinissaq tamatuma kingorna akuersissuteqarfigissagaat, suliassaqarfiup akisussaaffigilerlugu tiguneqarnissaa pillugu isumaqatigiissuteqarnissamut piumasaqaataavoq.

Nalunaaquttap aalajangersarneqarnera pillugu Inatsisartut inatsisissaannut siunnersuummik (siunnersuut manna), Inatsisartuni suliarineqartussamik, suliaqarnikkut tamanna pissaq. Inatsisartut akuersineranni, Inatsisartut peqatigisaanik suliassaqarfiup akisussaaffigilerlugu tiguneqarnissaa akuerissavaat.

Suliassaqarfik tamatuma kingorna tamatumunnga Inatsisartut inatsisissaannut siunnersuutip atuutilernerata peqatigisaanik, Kalaallit Nunaanni Namminersorlutik Oqartussanut tunniunneqassaaq.

## **2. Siunnersuummi immikkoortut pingaernerit**

### *2.1. Inatsisit atuuttut*

Suliassaqarfik maannakkorpiaq maannakkorpiaq Kalaallit Nunaanni inatsimmi maleruagassiivigineqanngilaq.

Danmarkimi suliassaqarfik Nalunaaquttap aalajangersarneqarnera pillugu inatsimmi nr. 83, 29. marts 1893-imeersumi maleruagassiivigineqarpoq, aammalu Savalimmiuni suliassaqarfik Savalimmiunut Nalunaaquttap aalajangersarneqarnera pillugu inatsimmi nr. 53, 22. marts 1907-imeersumi maleruagassiivigineqarpoq. Kalaallit Nunaannut nalunaaquttap qanoq aalajangersarneqarsimanera paasineqarsinnaasimangilaq, kisianni allaffissornikkut pisimassasoq ilimanarluni.

Kalaallit Nunaat ullumikkut nalunaaquttap ingerlaqatigiiffiini sisamani agguagaavoq. Nalunaaquttap ingerlaqatigiiffia nalinginnaasoq tassaavoq UTC -3, Ittoqqortoormiit nalunaaquttap ingerlaqatigiiffiani UTC -1-imiilluni, Danmarkshavn nalunaaquttap ingerlaqatigiiffiani UTC +0-miilluni, aammalu Pituffik (Thule Air Base) nalunaaquttap

ingerlaqatigiiffiani UTC -4-miilluni. Taamaattoq Kalaallit Nunaanni nalunaaquttap ingerlaqatigiiffiini nalinginnaasumik agguluneq maleqqissaarneqanngilaq. Kalaallit Nunaanni taamaaliortoqaralarpat, Kalaallit Nunaat nalunaaquttap ingerlaqatigiiffiini minnerpaamik pingasuni aggulunneqarsimassagaluarpoq, takuuk ilanngussaq 3.

## 2.2. Siunnersuutip imarisai

Siunnersuummi aalajangersarneqarpoq nalunaaquttamut malitassaq aammalu nalunaaquttap ingerlaqatigiiffia sorleq Kalaallit Nunaanni malinneqassanersoq. Siunnersuummi siunnersuutigineqarpoq nalunaaquttamut malitassaq tassaassasoq UTC, aammalu nalunaaquttamut nalinginnaasumut nalunaaquttap ingerlaqatigiiffia UTC -2 malinneqassasoq. Kalaallit Nunaanni ullumikkut nalunaaquttap ingerlaqatigiiffia UTC -3 malinneqarpoq. Taamaalilluni siunnersuummi siunnersuutigineqarpoq Kalaallit Nunaanni nalunaaqutaq nalinginnaasooq nalunaaquttap akunneranik ataatsimik siuartinneqassasoq. Tassa imaappoq, nalunaaqutaq ullumikkut 14:00-nngorpat, siunnersuummi siunnersuutigineqarpoq tamatumunnga taarsiullugu nalunaaqutaq 15.00-nngussasoq. Tamatuma malitsigisaanik Kalaallit Nunaata aamma Europap akornanni nalunaaquttap nikingassutaa nalunaaquttap akunneranik ataatsimik sivikillissaaq.

Ullumikkut Kalaallit Nunaata Islandillu, Savalimmiut aamma Kunngearfik Tuluit Nunaat aamma Irland Avannarleq akornanni nalunaaqutaq nalunaaquttap akunnerinik 3-nik nikingassuteqarpoq. Kalaallit Nunaat aamma Danmarkip, Norge-p, Sverige-p, Tysklandip allallu Europap kitaaniittut akornanni nalunaaqutaq nalunaaquttap akunnerinik sisamanik nikingassuteqarpoq. Aammalu Kalaallit Nunaata aamma Grækenlandip, Bulgarien-ip aamma Rumænien akornanni nalunaaquttap akunnerinik tallimanik nikingassuteqarluni. Nalunaaquttap ingiaqatigiiffiat, siunnersuummi siunnersuutigineqartutut. UTC -2-mut nikisikkaanni, tassani nalunaaquttap nikingassutaa nalunaaquttap akunneranik ataatsimik sivikillissaaq.

Siunnersuut ilusimisut iluseqartillugu akuerineqassappat, Kalaallit Nunaata aamma Islandip, Savalimmiut aammalu Kunngearfik Tuluit Nunaat aamma Irland Avannarleq akornanni nalunaaquttap nikingassutaa nalunaaquttap akunneri marlungussaaq. Kalaallit Nunaata aamma Danmarkip, Norge-p, Sverige-p, Tysklandip aammalu Europap kitaaniittut allat akornanni nalunaaqutaq, nalunaaquttap akunnerinik pingasunik nikingassuteqalissaaq. Aammalu Kalaallit Nunaata aamma Grækenlandip, Bulgarien aamma Rumænien akornanni nalunaaqutaq nalunaaquttap akunnerinik sisamanik nikingassuteqalissalluni.

Amerikap avannarliup kangiata sineriaani, soorlu assersuutigalugu Iqaluit, Quebec, Toronto, Boston, New York, Washington D.C. aamma Miami, nalunaaquttap ingerlaqatigiiffiani UTC -5-imiippoq. Tassa imaappoq taakkua Kalaallit Nunaannit nalunaaquttap akunnerinik marlunnik kingulliupput, Europap kitaata sineriaa Kalaallit Nunaannit nalunaaquttap akunnerinik sisamanik siulliullutik. Kalaallit Nunaannut nalunaaquttap ingiaqatigiiffiata

nalinginnaasooq UTC -2-mut inissinneqarnerani Kalaallit Nunaat taamaalilluni nalunaaquttap ingiaqatigiiffiini Amerikap avannarliup kangiaata sineriaata aammalu Europap kitaata sineriaata akornanni inissisimalissaaq. Sumiiffinni marluusuni tamaginni tamatuma kingorna nalunaaqutaq nikingassutaa nalunaaquttap akunneri pingasunngussaaq.

Siunnersuummi aamma siunnerfigineqarpoq, Kalaallit Nunaanni sumiiffinni erseqqinnerusumik taaneqartuni allani nalunaaquttap ingiaqatigiiffiiniq allanik aalajangersaanissamut Naalakkersuisut piginnaatinneqassasut. Naalakkersuisut taamaalillutik Kalaallit Nunaanni sumiiffiit ullumikkut Kalaallit Nunaanni nalunaaquttap ingiaqatigiiffiiniq nalinginnaasunik malinniffiunngitsut, nalunaaquttap ingiaqatigiiffiiniq atuiinnarsinnaanissaannut, inatsimmi tunngavissaqalissapput. Taamaattoq inatsimmi tunngavissaaq sumiiffinnut taakkunungaannaq killeqanngilaq, kisianni nalinginnaasumik atorqeersinnaalluni. Ittoqortoormiini, Danmarkshavnimi aamma Pituffimmi nalunaaquttap ingiaqatigiiffiiniq allanngortitsinissaaq eqqarsaatigineqanngilaq.

Naggataatigut aasaanerani nalunaaquttap atorqeersarnera pillugu Inatsisartut inatsisaat nr. 14 ulloq 19. oktober 1989-imeersumi piginnaatitsissut Inatsisartut inatsisaannut matumunnga nuunneqarpoq. Naalakkersuisut taamaalillutik aasaanerani nalunaaqutaq pillugu maleruagassanik aalajangersaasinnaaginnarnissamut piginnaatinneqarput. Naalakkersuisut aamma tamanna kissaatigineqarpat, aasaanerani nalunaaquttap atorunnaarsinnissaannut, piginnaatinneqarput.

Siunnersusukkut aasaanerani nalunaaquttap atorunnaarsinnissaanik suliniuteqarnissaaq kissaatigineqarsimavoq, kingullermi 2019-imi upernaakkut ataatsimiinnissamut immikkoortoq 55-imi ”*Aasakkut nalunaaquttap atorunnaarsinnissaa suliniutigileqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut*”. Siunnersuut akuerineqarpoq, kisianni suli piviusunngortinneqarani. Tamatumunnga pissutaavoq, Inatsisartut aalajangiinerannut EU-mi (Europæiske Union) aasaanerani nalunaaquttap atorunnaarsinneqarnissaata apeqqutaatinneqarnera, tunngavigneqarmat. EU-mi aasaanerani nalunaaqutaq suli atorunnaarsinneqanngilaq.

Kalaallit Nunaanni aasaanerani nalunaaqutaq aatsaat EU-mi taamaaliortoqarpat atorunnaarsinneqassasooq, Naalakkersuisut suli isumaqarput.

### **3. Pisortanut aningaasaqarnikkut allaffissornikkullu sunniutaasussat**

Siunnersuut pisortanut aningaasaqarnikkut imaluunniit allaffissornikkut sunniuteqassanngilaq.

### **4. Inuussutissarsiortunut aningaasaqarnikkut allaffissornikkullu sunniutaasussat**

(tamanut ammasumik tusarniaareernerup kingorna ikkunneqassaaq)

### **5. Avatangiisinut, pinngortitamut inuillu peqqissusaannut sunniutaasussat**

Siunnersuut avatangiisinut, pinngortitamut inuillu peqqissusaannut sunniuteqassangatinneqanngilaq.

#### **6. Innuttaasunut sunniutaasussat**

Siunnersuut innuttaasunut sunniuteqassangatinneqanngilaq.

Siunnersuutip ulloq 25. marts 2023, nal. 22.00 aatsaat atuutilersinneratigut, UTC -3-miit UTC -2-mut ikaarsarneq sapinngisamik mianersuussinerpaasussamik atuutsinneqalissaaq, tassani Kalaallit Nunaat aasaanerani nalunaaquttamut, UTC -2-miittussamut, ikaarsaartussaareermat. Taamaalillutik innuttaasut siunnersuutip atuutilerana malugissanngilaat.

2023-mi oktobarimi arfininngorneq kingulleq, Kalaallit Nunaata maannakkut nalunaaquttamut nalinginnaasumut (UTC -3) uteqqittussaanginnerani, kisianni siunissami nalunaaquttap ingiaqatigiiffiani UTC -2-mi ilaalertussaanerani, nalunaaquttap ingiaqatigiiffiata nutaap sunniutaa aatsaat innuttaasut malugissavaat.

#### **7. Sunniutaasussat annertuut allat**

Siunnersuut annertuunik allanik sunniuteqassangatinneqanngilaq.

#### **8. Oqartussanut kattuffinnullu il.il. tusarniaaneq**

Siunnersuut piffissami XXX 2022 Naalakkersuisut tusarniaanermut nittartagaanni tamanut ammasumik tusarniaassutigineqarpoq.

Takuuk ilanngussaq 2-mi tusarniaanermut allakkiaq ilanngunneqartoq.

**Siunnersuummi aalajangersakkanut ataasiakkaanut nassuiaatit***§ 1-imut*

Imm. 1-imi aalajangersarneqarpoq, Kalaallit Nunaannut nalunaaquttamut malitassaq nalinginnaasooq aamma nalunaaquttat ingerlaqatigiiffiat UTC -2-miiginnassasooq. Ullumikkut taanna UTC -3-miippoq.

Imm. 2-mi, sumiiffiit nalunaaquttap ingiaqatigiiffianik, nalunaaquttap ingiaqatigiiffianit nalinginnaasumit UTC -2-mi allaanerusumik, malinniffiusussat erseqqinnerusumik taaneqartut pillugu maleruagassanik aalajangersaanissamut Naalakkersuisut piginnaatinneqarput. Ullumikkut sumiiffiit pingasut nalinginnaasumit, maannakkorpiaq UTC -3-mit, allaanerusumik nalunaaquttap ingiaqatigiiffianik atuiffiupput. Sumiiffiit taakkua tassaapput illoqarfik Ittoqqortoormiit, nalunaaquttap ingiaqatigiiffiini UTC -1-mik atuiffiusooq, Danmarkshavn nalunaaquttap ingiaqatigiiffiini UTC +0-mik atuiffiusooq, aammalu Pituffik (Thule Air Base) nalunaaquttap ingiaqatigiiffiini UTC -4-mik atuiffiusooq. Naalakkersuisut taamaalillutik sumiiffinnut taakkununga, tamanna kissaatigineqarpat, immikkut ittumik nalunaaquttap ingiaqatigiiffiini ingerlatitseqqinnissamut piginnaatinneqarput. Nalunaaquttap ingiaqatigiiffiini taakkunani allanngortitsinissaq eqqarsaatigineqanngilaq.

Tamanna kissaatigineqarpat Kalaallit Nunaanni sumiiffinnut allanut immikkut nalunaaquttap ingiaqatigiiffiini atuutsitsilernissamut aamma Naalakkersuisut piginnaatinneqarput.

Imm. 3-mi Naalakkersuisut aasaanerani nalunaaqutaq pillugu maleruagassanik aalajangersaanissamut piginnaatinneqarput. Aasaanerani nalunaaquttap atornerqarnera pillugu Inatsisartut inatsisaat nr. 14 ulloq 19. oktober 1989-imeersumi taamanikkut Namminersornerullutik Oqartussat Kalaallit Nunaanni aasaanerani nalunaaqutaq pillugu maleruagassanik atuutsitsilernissamut piginnaatinneqarput. Piginnaatitsissut taanna siullermeertumik ukioq 1994-imut aasaanerani nalunaaquttap aalajangersarneqarnera pillugu Namminersornerullutik Oqartussat nalunaarutaat nr. 4, 11. marts 1994-meersumi atornerarpoq. 1994-ip kingorna Kalaallit Nunaanni taamaalilluni aasaanerani nalunaaqutaq atornerarpoq.

Imm. 3-mi piginnaatitsissuummi Kalaallit Nunaanni aasaanerani nalunaaqutaq pillugu maleruagassat atuuttut ingerlateqqinnissaannut periarfissaq, kiisalu tamanna kissaatigineqassappat aasaanerani nalunaaquttap atorunnaarsinnissaa, pineqartunut ilaatinneqarput. Naalakkersuisut isumaqarput Kalaallit Nunaanni aasaanerani nalunaaqutaq, EU-p tamanna atorunnaarsippagu, aatsaat atorunnaarsinneqassasooq.

*§ 2-mut*



Imm. 1-imi aalajangersarneqarpoq, Inatsisartut inatsisaat ulloq 25. martsa 2023, nal. 22.00 atuutilissasoq.

Immikkut atuutsitsilernermit piffissamut tassunga pissutaasoq tassaavoq, tamanna Kalaallit Nunaata 2023-mi aasaanerani nalunaaquttamut ikaarsaarfissarimmagu, tassa imaappoq nalunaaquttap ingiaqatigiiffianut UTC -2-mut. Taamaalilluni Kalaallit Nunaanni innuttaasut Inatsisartut inatsisaata atuutilerana maligissanngilaa, pissutigalugu aasaanerani nalunaaquttamut nikittarneq taanna sungiusimagamikku.

taamaattoq aasaanerani nalunaaqutaq 2023-mi oktobarimi arfininngorneq kingunneq naasussanngorpat, nalunaaquttap ingiaqatigiiffia utimut nikisinneqassanngilaq, kisianni UTC -2- miiginnassalluni. Taamaattumik Kalaallit Nunaannut nalunaaquttap ingiaqatigiiffia nutaaq taanna (UTC -2) 2023-mi oktobarimi arfininngorneq kingulleq, nalunaaquttap ingiaqatigiiffia UTC -3-mut utertillugu nikisinneqarani, aatsaat tamakkiisumik atuutsinneqalertussaavoq.

Imm. 2-mi aalajangersarneqarpoq, aasaanerani nalunaaquttap atorineqarnera pillugu Inatsisartut inatsisaat nr. 14 ulloq 19. oktober 1989-imeersoq ulloq 1. januar 2023 atorunnaarsinneqassasoq. Sunniutaasumik allannortitsineq tassani pineqarpoq, pissutigalugu aasaanerani nalunaaqutaq pillugu maleruagassanik aalajangersaanissamut inatsimmi tunngavissaq Inatsisartut inatsisaannut matumunnga nuunneqarmat.

**Ilanngussaq 1****Suliassaqarfiup ”Nalunaaquttap aalajangersarneqarnera” akisussaaffigilerlugu tiguneqarnissaa pillugu Naalakkersuisut aamma danskit naalakkersuisuisa akornanni isumaqatigiissut**

Aasaanerani nalunaaqutaq pillugu Kalaallit Nunaannut inatsimmi nr. 817, 19. december 1989-imi, Namminersorluttik Oqartussat Kalaallit Nunaanni aasaanerani nalunaaquttap atuutsilernissaanut pisinnaatitaaffik tiguaat. Nalinginnaasumik nalunaaquttamut malitassanik aalajangersaasarneq, Nalunaaquttap aalajangersarneqarnera pillugu inatsimmi nr. 83, 29. marts 1893-imeersumi aalajangersarneqartoq, tigusinermi pineqartunut ilaatinneqanngilaq.

Ullumikkut Kalaallit Nunaannut nalunaaquttap aalajangersarneqarnera pillugu aalajangersakkanik inatsimmi aalajangersaasoqarsimannngilaq. Suliassaqarfik taamatuttaaq Kalaallit Nunaanni Namminersorneq pillugu inatsimmut (Namminersorneq pillugu inatsit) ilanngussami taaneqanngilaq. Suliassaqarfik Namminersorneq pillugu inatsimmut ilanngussami taaneqarsimatinnagu, Namminersorneq pillugu inatsimmi akisussaaffigilerlugu tigusinissamut periaasissaq manna aalajangersarneqarpoq:

*” § 4. Naalakkersuisut aamma Danmarkimi naalakkersuisut isumaqatigiissutigisinnaavaat suliassaqarfiit Kalaallit Nunaannuinnaq tunngasut ilanngussamili taaneqanngitsut Kalaallit Nunaanni Namminersorluttik Oqartussanit tiguneqarsinnaasut.”*

Taamaattumik suliassaqarfiup ”Nalunaaquttap aalajangersarneqarnera” Kalaallit Nunaanni Namminersorluttik Oqartussanit akisussaaffigilerlugu tiguneqarnissaa pillugu Naalakkersuisut aamma danskit naalakkersuisuisa akornanni isumaqatigiissuteqartoqarpoq. Suliassaqarfik pillugu Inatsisartut inatsisissaannut siunnersuutip Inatsisartuni akuerineqarnissaa, akisussaaffigilerlugu tigusinissamut piumasqaataavoq.

Suliassaqarfik ”Nalunaaquttap aalajangersarneqarnera” tamatuma kingorna tamatumunnga Inatsisartut inatsisissaannut siunnersuutip atuutilernerata peqatigisaanik, Kalaallit Nunaanni Namminersorluttik Oqartussanut tunniunneqassaaq.

---

**Múte Bourup Egede (sign.)**  
Naalakkersuisut Siulittaasuat

---

**Trine Bramsen (sign.)**  
Assartuinnermut ministeri

**Ilanngussaq 2****Tusarniaanermut allakkiaq**

Naalakkersuisut Siulittaasuata Naalakkersuisoqarfiata siunnersuut Naalakkersuisut tusarniaanermut nittartagaanni piffissami 28. juni - 26. juli 2022 tamanut ammasumik tusarniaassutigaa.

**Tamatuma saniatigut siunnersuut toqqaannartumik makkununga nassiunneqarpoq:**

Ingerlatseqatigiiffiit: Air Greenland, Inissiaatileqatigiiffik INI, Great Greenland, Greenland Oil Spill Response, Greenland Holding, Illuut, KNI, NunaOil, Royal Arctic Line, Royal Greenland, Tusass, Visit Greenland, BankNordik, Grønlands Banken, Polar Seafood, Inu:IT, Comby, Permagreen.

Peqatigiiffiit allallu: Sulisitsisut, Kalaallit Nunaanni Ilinniagartuut Kattuffiat (ASG), Ilinniartitsisut Meeqqat Atuarfianeersut Kattuffiat (IMAK), Nunatsinni Perorsaasut Kattuffiat (NPK), Peqqinnissaq Pillugu Kattuffiit (PPK), Sulinermik Inuussutissarsiuteqartut Kattuffiat (SIK), Sulisunik Siulersuisut Kattuffiat (SSK), Inuit Pisinnaatitaaffiinut Siunnersuisooqatigiit, Kalaallit Nunaata Radioa (KNR), Sermitsiaq AG.

---

**Makkua tusarniaanermut akissuteqarput:**

Nunatsinni Perorsaasut Kattuffiat (NPK), BankNordik, Sulisitsisut aamma Air Greenland.

Nunatsinni Perorsaasut Kattuffiat (NPK) aamma BankNordik siunnersuummut oqaaseqaatissaqarsimangillat.

**Sulisitsisut**

*"Sulisitsisut nalunaaquttap aalajangersarneqarnera pillugu inatsisissatut siunnersuummut oqaaseqaatissaqanngilaq.*

*UTC -3-miit UTC 2-mut ikaarsaarnissaq Sulisitsisut neriulluarnartutut isigiinnarpaat."*

**Naalakkersuisut Siulittaasuata Naalakkersuisoqarfia:**

Naalakkersuisut Siulittaasuata Naalakkersuisoqarfia tusarniaanermut akissuteqaammut qujavoq.

**Air Greenland**

*”Air Greenland matumuuna nalunaaquttap aalajangersarneqarnera pillugu Inatsisartut inatsisaannut atatillugu tusarniaanermut akissuteqaateqarnissamut periarfissinneqarami qujavoq.*

*Air Greenland Kalaallit Nunaanni nunap iluani aammalu Islandimut Danmarkimullu angallavinni angalanermi nunani tamalaani timmisartukut angallannermik ingerlatsivoq. Kalaallit Nunaata aamma Danmarkip akornanni suliaqarnernut aammalu siumut utimullu inuttanik nuussisarnermut atatillugu, pilersaarusiornermi nalunaaquttap akunnerinik 4-nik nalunaaquttap nikinganera annertuumik pingaaruteqarpoq. taamaattumik Kalaallit Nunaata aamma Europap kitaata akornanni nalunaaquttap nikinganerata nalunaaquttap akunnerinut 3-nut allanngortinnissaa pillugu siunnersuut Air Greenlandimut allanullu timmisartumik angalanermut ingerlatseqatigiiffinnut, Kalaallit Nunaannut aamma Kalaallit Nunaanniit suliaqarusuttunut, pitsaasunik sunniuteqassaaq.*

***Inuussutissarsiortunut aningaasaqarnikkut allaffissornikkullu sunniutaasussat***  
*Aalajangersimasumik Air Greenlandip allanngortitsineq suliaasaqarfinni makkunani iluaqutigisinnaassavaa:*

- *Assersuutigalugu sinerissami silarlunna pissutigalugu imarpik qulaallugu timmisartup nunap iluani timmisartunit tikittussat utaqqisariaqalerlugit pisoqartillugu, siunnersuutip kingunerisaanik ullup tullianut pisussanut pilersaarummut ikinnerusunik sunniuteqartumik imarpik qulaallugu timmisartoq sukkanerusumik aallarsinnaasalissaaq. Aammalu sullitanut akornusiinerit ikinnerussallutik. Ullumikkut takorluukkami tassani Københavnimut aallannginnermi inuttat Kangerlussuarmi minnerpaamik nalunaaquttap akunnerini 14-ini qasuersaartinnissaat pisariaqartussaavoq. Københavnimut tikereernerme ullumikkut inuttat suleqqilersinnaanissartik sioqqullugu minnerpaamik unnuit 3-t qasuersaartussaapput. Nalunaaquttap akunnerinik 3-nik nikingassuteqarnerani imarpik qulaallugu timmisartoq Kangerlussuarmi nalunaaquttap akunnerini 10-ni taamaallaat utaqqisalersinnaassaaq, tamatuma kingorna inuttaq suleqqilersinnaanissartik sioqqullugu taamaallaat unnuk ataaseq qasuersaartussanngussallutik. Tamanna ilaasunut iluaqutaasussaavoq aammalu ingerlatseqatigiiffimmuut eqqaannerulersitsisussaalluni.*
- *Air Greenlandip pisuusaartitsilluni sungiusarnerisa ilarujussui Europami ingerlanneqartarmata, siunnersuut taamatuttaaq pisuusaartitsilluni sungiusarneri pilersaarusiorneqarnerannut iluaqutaasussaavoq, tassani nalunaaquttap nikinganerata annikinnerulernera eqqaannerulersitsisussaalluni.*
- *Nuummi Ilulissanilu mittarfissanut nutaanut, Amerikamut avannarlernut timmisartuussinissamut periarfissamik ammaasussamut, atatillugu siunnersuut taamatuttaaq inuussutissarsiortunut iluaqutaasussaavoq. Europamut nalunaaquttap akunnerinik 3-nik nalunaaqutaq nikingassuteqartillugu aammalu Amerikamut*

*avannarlermut nalunaaquttap akunnerinik 3-nik nalunaaqutaq nikingassuteqartillugu, attaveqaatini ataatsimoortuni Amerikamut avannarlermut Europamullu timmisartuussinissamut timmisartumi inuttanik pisariaqartitsinermi nalunaaquttap nikingassutaa nalunaaquttap akunnerinit 4-nit sivikinnerusussaavoq.*

- *Timmisartumik angallannermut oqartussanut ataqatigiissaarinermut tunngatillugu, ullormut "allaffimmiinnissap" nalunaaquttap akunneranik ataatsimik sivitsornissaanut allannguut periarfissiivoq, tamannalu inuussutissarsiortunut allaffissornikkut iluaqutissartaqarpoq.*

### ***Naggasiutigalugu***


*Oqaaseqaatini matuma siuliani allassimasuni Kalaallit Nunaannut nalunaaquttap nalinginnaasup UTC-2-mut allanngortinnissaa pillugu siunnersuut Air Greenlandip taperserpaa."*

### **Naalackersuisut Siulittaasuata Naalackersuisoqarfia:**

Naalackersuisut Siulittaasuata Naalackersuisoqarfia tusarniaanermut akissuteqaammut aammalu sunniutaasussanik siunnersuutip Air Greenlandimut sunniutigisassaannut, itisiliinermut qujavoq. Naalackersuisut Siulittaasuata Naalackersuisoqarfia allanik ilanngussassaqaanngilaq.

### Ilanngussaq 3

## Wikipedia-mit nalunaaquttap ingiaqatigiiffiut nunap assinga ilitsersuutaasoq



[Linki toqqaannartoq:](#)

[https://da.wikipedia.org/wiki/Tidszone#/media/Fil:World\\_Time\\_Zones\\_Map.png](https://da.wikipedia.org/wiki/Tidszone#/media/Fil:World_Time_Zones_Map.png)